


Ա Ր Վ Ե Ս Տ Ի

Ա Շ Խ Ա Ր Հ Ո Ի Մ

Ռ. Համբարձումյան.

Գու կարծում ես, որ ես եմ հոր-  
րո՞ւկն եմ... (Մանկան տարձա  
առիվ)



## ԼՈՒՍԱՆԿԱՐԻՉԸ ԵՎ ԹԱՏԵՐԱԿԱՆ ԼՈՒՍԱՆԿԱՐԻՉԸ

Լավ գործ է արվում ժուռնալիստի տանը. այստեղ ցուցահանդեսներ բացվում են գրեթե նույնքան հաճախադեպ, որքան նկարչի տանը: Նաև լուսանկարչական ցուցահանդեսներ:

Անցյալ տարվա աշնանը միմյանց հաջորդեցին լուսանկարիչ Ռաֆայել Համբարձումյանի և թատերական լուսանկարիչ Աղասի Կլեկչյանի ցուցահանդեսները՝ ամեն մեկը հետաքրքիր յուրովի:

Ռ. Համբարձումյանը ծանոթ անուն է լուսանկարչության մեջ: Նրան համբավ բերեց միութենական և միջազգային ցուցահանդեսներում մրցանակի արժանացած «Վիրաբույժ» լուսանկարը: Դրանից հետո էլ նա բազմաթիվ մեդալների ու դիպլոմների է արժանացել, ստեղծել է դիմանկարներ, երոնք աչքի են ընկնում պատկերվողի հոգեբանության այնպիսի նուրբ արտացոլմամբ, որ դրանք վստահորեն կա-

րելի է համարել արվեստի, լուսանկարչական արվեստի գործեր: Այդ դիմանկարներից թեբևա լավագույնը «Մայրն» է, գրաֆիկական հստակությամբ աչքի ընկնող մի լուսանկար, որ արթնացնում է խորին ակնածանք ձեր կնոջ տառապանքի հանդեպ:

Արվեստի կնիք է կրում «Աղջնակն ու կովը» լուսանկարը. սա, կարծես, ոչ թե լուսանկար է, այլ գեղանկարչական կտավի վերարտադրություն, որ գրավիչ է իր բնական կոմպոզիցիայով, լուսանկարչի քնքուշ վերաբերմունքով իր փոքրիկ հերոսուհու նկատմամբ:

Դիմանկարից ոչ պակաս, Ռ. Համբարձումյանին հրապուրում է բնանկարը: Լավ բնանկարներ շատ կային ցուցահանդեսում և դրանց մեջ՝ հատկապես ճարտարապետական հուշարձանների պատկերումները: Այստեղ լուսանկարչին հաջողություն է բերում այն, որ նա ընկալում է ամեն





Ռ. Համբարձումյան.  
Իմ Հայաստան

մի հուշարձանի յուրիատկությունը և կարողանում է գտնել դրա մատուցման կերպը, պատկերման շահեկան տեսանկյունը: Նայելով այդ լուսանկարներին, դիտողը վաղաժամոր հուշարձանի մեջ գտնում է մի նոր երապույր, ուզում է վերջապես տեսնել թվում է թե բոլոր կողմերով իրեն լավ հայտնի հուշարձանը: Սա լուսանկարչի անմերժելի արժանիքն է:

Նրան մնում է խորացնել իր նախասիրությունները, ընդլայնել լուսանկարչական օբյեկտիվի տեսադաշտը, իր մեջ առնելով կյանքի նաև «հասարակ», «անշուք» երևույթները՝ գեղեցկություն գտնել նաև դրանց մեջ:

\*\*\*

Թատերական լուսանկարիչ Աղասի Կելեյանի ցուցահանդեսն իր շուրջ երեք տասնյակ տարվա աշխատանքի հանրագումարն էր իր ընտրած լավագույն նմուշներով: Շատ էին դրանք, բայց տասնապատիկ ավելին են ցուցահանդեսում տեղ չգտածները: Դրանք կազմում են թատերական լուսանկարների այնպիսի մեծ քանակ, որ իրավունք են տալիս Աղասի Կելեյանին կոչելու մեր բեմական արվեստի լուսանկարիչ-տարեգիրը: Խնդիրն, իհարկե, քանակը չէ միայն: Բեմի մեծ վարպետներ Վահրամ Փափազյանին, Հրաչյա Ներսիսյանին, Ավետ Ավետիսյանին, Գուրգեն Չանիբեկյանին և ուրիշներին տարբեր դերերում պատկերող այնպիսի լուսանկարներ է արել Կելեյանը, որ դրանք հասնում են արվեստի մակարդակին: Գ. Խանդանյանի, Վ. Փիլիսոսյանի, Ա. Քոչարից հետո Կելեյանն էլ, իր երբեքն ու իր ժամանակին, շարունակել է լուսանկարչի դժվարին գործը, և դա գնահատել է մեծապես. ինչ կմնար թատրոնի վաղանցուկ, «այսրոպեա-

կան» արվեստի, էլ է նրանց լուսանկարները չլինեին: Կարելի է ասել՝ թատերախոսականները, հողվածները, քննադատական դիմանկարները: Բայց դրանք պետք է ամրապնդվեն, ապացուցվեն լուսանկարներով:

Ախտասանքով պիտի ասել, որ ինչքան էլ լավ թատերական լուսանկարիչներ ենք ունեցել, մեր բեմական արվեստի «լուսանկարչական տնտեսությունը» բնավ հարուստ չէ և որակյալ չէ: Շատ չեն անցած-գնացած հիանալի դերասանների և, մանավանդ, բեմադրությունների մակարդակին համարժեք լուսանկարներ: Երբեմն պատահում է, հողված ես գրում ընտիր մի դերասանի մասին, մինչդեռ լուսանկարները գալիս են ոչ թե հաստատելու, այլ հերքելու գրվածը՝ այնքան են դրանք անարվեստ ու զավառական:

Թող թույլ տրվի այս առիթով անելու ևս մի շեղում. հարկավ թե դրա համար ուրիշ առիթ ներկայանա:

Մամուլում հաճախ են լսվել բողոքներ, թե ինչու մեր բեմի վարպետները ժամանակին չեն կինոնկարահանվել: Մարդիկ բողոքել են՝ համոզված, թե կինոնկարահանված դերակատարումը կարող է սերունդներին հանձնել մեծ վարպետի արվեստը: Միամիտ մոլորություն: Թատրոնն ու կինոն տարբեր արվեստներ են, տարբեր օրինաչափության են ենթարկվում: Ուղղակի նկարահանված ներկայացումն աննպաստ պատկերացում է տալիս և՛ բեմադրիչի, և՛ դերասանի մասին: Ուրիշ բան, երբ ներկայացումը հատկապես նկարահանվում է կինոյի օրենքներով, ինչպես Վ. Աճեմյանը և Ա. Հայրապետյանը նկարահանեցին «Ժայռը»: Ուրիշ կերպ՝ ուղղակիորեն արված կինոնկարահանումը լավ արդյունք չի տալիս: (Իրանում վերստին համոզվեցի, երբ Արմեն Գուրակյանի ծննդյան 80-ամյակի երեկոյին պատտառի վրա տեսա-


Վահրամ Փափազյանին Արբենին և Հրաչյա Ներսիսյանին Ֆյոդոր Դրոստատովի դերերում. ինչ տխուր անդրադարձում): Մինչդեռ արվեստով արված լուսանկարը, ինչպես «Ավետ Ավետիսյանն Անտոնիոյի դերում» լուսանկարը, որի հեղինակն է Աղասի Կելեյանը, ավելի լավ պատկերացում է տալիս դերասանի հոգեբանական անձնավորման վարպետության մասին, քան որևէ կինոնկարահանում:

Սա է թատերական լուսանկարչության, այդ դեպքում՝ Կելեյանի արժանիքը: Լավ է, որ, բացի դիմանկարներից, նա ներկայացնում է նաև բեմավիճակներ ցույց տվող լուսանկարներ, մի բան, որ մեր թատերական լուսանկարչության մեջ թերագնահատվել է չափազանց: Այս առումով հետաքրքիր են Լենինականի դրամատիկական թատրոնի «Կուրած մայրիկը», «Ոճիր և պատիժ» բեմադրությունների լուսանկարները:


Կելեյանի լավագույն լուսանկարներում երևում է թատրոնի մարդը, այն, որ ժամանակին նա դերասան է եղել և դա օգնել է իրեն ըմբռնելու թատերական լուսանկարի յուրահատկությունները:

Կուլտենայինք, որ Աղասի Կելեյանը նույն հետևողականությամբ շարունակել էր թատերաշահ գործը և մանավանդ՝ ասպարեկ տար, աճեցներ նոր մասնագետների: Դա նույնիսկ ցանկություն չէ, այլ պարտավորեցում, քանի որ շատ տարիներ նա ղեկավարում է թատերական ընկերության լուսանկարչության արհեստանոցը:

ԼԵՎՈՆ ՀԱՆՎԵՐԴՅԱՆ



Ա. Կելեյան. Ավետ Ավետիսյան—Անտոնիո (Մունդուկյանի անվան թատրոն, «Շաբար, կիրակի, Լեկուշաբրի»)



Ա. Կելեյան. տեսահանդեսի ժամանակ Մոսկվայի անվան թատրոնի «Կուրած մայրիկը» ներկայացումից. կենտրոնում՝ Ժաննա Թովմասյան

Ա.Ր.Վ.ԵՍՏԻ Ա.ՇԽԱՐՀՈՒՄ ♦ Ա.Ր.Վ.ԵՍՏԻ Ա.ՇԽԱՐՀՈՒՄ